

吳
興
藝
文
補

吳興藝文補卷之五十六 目次

宋訥

吳興唐子華畫雲山小景圖

唐桂芳

過太湖

丘輔仁 歸安人

南湖

劉三吾

松雪翁所作春郊牧馬圖

貝瓊

題王叔明茅山圖

莫士安

巡視水田偶成

張以寧

錢舜舉畫

韓履祥

懷惟則大師

吳興人

朱克

題管夫人墨竹

釋惟則

山居四景

釋來復

遊白石洞天

題趙彥徵溪山小景圖

趙彥徵雍之猶子

題黃鶴山王理問竹石圖

王蒙

題趙松雪馬圖

題錢舜舉普賢洗象圖

唐子華山林高士圖

趙仲穆春山曉思圖

釋宗泐

雪上題菁山書舍圖爲周伯陽作

方孝孺

題王叔明墨竹

胡濙

和白居易上強精舍韻

在歸安

李齡

歸安人

題北山趙子介白雲窩

虞謙

題子昂畫馬歌

烏程夜泊

姚廣孝

贈筆生陸繼翁

歸安人

解縉

筆妙軒

爲筆工陸文寶

趙子昂梅竹圖

夏原吉

過武康縣

過太湖

魯滌

贈筆工陸繼翁

楊勉 歸安人寓金陵

雲山舊業爲趙御史題

王恭

書翰林庶吉士楊勉聽松軒

楊復 見前

弁山

林霏軒爲吳宗本賦 宗本名中長興人

柳塘納涼

李時勉

王古用筆華軒 歸安人

題黃鶴山人秋意

無名氏

烏鎮九老會詩

張寧

見前

再遊吳興有懷岳文璣太守翁載道大尹

文璣名璿載道

名經

題莘叔耕山水圖

至德清有作

題餘不春社詩二首

薛瑄

題趙雍畫馬二首

陳憲章

題松雪圖

刁桂

易程人

題十同年圖二首

約社中諸公

謝鐸

爲吳興沈文瑞太守題林良花鳥圖

李東陽

濟陽怨

濟王竑

丘吉

歸安人

虞仲方耕樂堂

宜晚樓

呂山花園池亭

長興

蔡琰歸漢圖

採桑曲

湖州竹枝詞

佑聖宮謁道士不遇

秋日懷顏僧官

蘇平

晚過吳興吊子昂舊宅

張淵

易程人

送神樂官楊道士教郡庠樂回

唐廣

歸安人

題紅梅

岳郡侯五馬圖

唐庠

廣弟

蕉萱仕女

史鑑

溪月吟寄吳興張夢坡居士

夢坡淵號

陳敏政

錢舜舉清暉堂所寫戲嬰圖爲臨淮顧謙賦

桑悅

題趙子昂馬

吳寬

爲王惟顥題米友仁苕溪春晚圖

題米南官水墨圖

閔尚書藏

王叔明村舍圖

楊一清

錢舜舉漁翁樂趣圖

水晶宮客

趙寬

觀風謠贈侍御邢公

湖州

王鏊

送陳進士恪知宿松

陳簡肅公恪歸安人

石瑤

徐贈公輓詩

火齡父

沈周

寄湖州張子靜

子靜淵字

官人沈氏

烏程人

送弟溥試春官

宮詞二首

王淮

遊孺山

何景明

子昂畫馬歌

送施聘之御史南還

聘之名儒見前

送施聘之侍御

李夢陽

相逢行贈劉按察麟

錢選畫張果圖歌

寄題孫氏茗溪草堂孫是時始有婚事

孫一元寓公

太白山人仙遊吳越稔矣日者卜居吳興而婚施

氏妻妹子聞之輒詩嘲焉

徐禎卿

過太湖

送耿晦之守湖州

晦之名湖

吳興藝文補卷之五十六

目次終

吳興藝文補卷之五十六

烏程董斯張遐周彙編

閔元衢康侯叅輯

韓昌箕仲弓增定

吳興唐子華畫雲山小景圖

宋 訥

君不見夏圭昔寫漁村春霧時江山半入無聲詩又不
見馬麟昔作關山秋色圖千里風烟來座隅夏圭馬麟
去已遠一入九原呼不返只今畫者亂如麻吳興近數
唐子華子華非夏亦非馬得意雲山自揮洒一幅生絹
不滿尺平遠高深生筆下恍如坐我武夷山主人見客

開柴關幽蹊曲徑歸路迷白雲引出青松間又如坐我
瀟湘側漁子艤舟來逐客水邊籬落自成村竹望九疑
江樹隔隔岸人家茅蓋亭過橋二老指山青飛泉絡層
石古木挂寒藤晴窓忽看不似畫霏丹凝翠疑天生柏
對融心神頓覺塵夢醒踈懶胃中有丘壑得此珍藏作
清樂平生寓意不留意一朝笑贈芙蓉幙芙蓉幙底風
流賓高堂挂壁無紅塵公餘把酒自怡悅便是雲山圖
上人

過太湖

唐桂芳

向晚推蓬望羣山隱約青篙工排蟻勢野飯雜魚腥水
闊疑無地天低剩見星吳音相爾女聊復慰飄零

南湖

丘輔仁

南湖二月水如天羅綺東風醉少年卞里好春多看盡
琵琶猶在夕陽船

松雪翁所作春郊牧馬圖

劉三吾

天家子孫趙文敏翁本是人中之龍于時六飛選不到
冥諸清高地位玉堂瓊署中至元之間館閣諸老尚文
墨吳興處士乃在篆籀之古染翰之工餘閒更有耽馬

癡將軍曹霸翁子韓幹二人者唐代之絕倡吳興與比
隆渥洼之水硯池通吮毫一寫便與天隔十二骨格同
錦衣公子何從得此幅使我一見即知爲松雪之遺踪
是時青郊雨初歇淑氣暄妍春景融明珠穿草青茸茸
縐縠行水晴溶溶坡坳高下乘黃品駿尾蕭梢颭蕩風
三三五五任所性後以笑官前笑童嗚呼翰林之筆旣
以畫家絕品元代稱精神所駐骨可朽爛心難窮吾恐
其不變化于風雷之夕則飛入乎清冷之宮雪翁九原
如遇得定騎之朝世皇于飛升之昇湖而再攀烏號之

髯弓

題王叔明茅山圖

貝瓊

一峰插天三萬丈衆峰旁聯不相讓我行未盡天下奇
王宰寫山工異狀靄靄句曲雲蒼蒼溧陽樹天高去鳥
沒日落行人度茅君已千年浪憶燒丹處猶疑風雨夜
騎虎山頭遇平生好山獨未歸山中桃花如雨飛相從
采水定何日長向雲間瞻翠微

巡視水田偶成

莫士安

野田彌望隔西東細路多岐遠未通處處茅茨烟火外

村村花柳水雲中
圩長車響雙涇月
江闊帆分兩岬風
白髮衰翁無補事
敢忘憂國願年豐

錢舜舉畫

張以寧

江南埧裏紫彭亨
票致錢郎巧寫生
憶得故園秋雨過

新炊初熟飯香粳

右紫茄

黃花翠蔓子纍纍
寫出西風雨一籬
愁絕客懷渾怕見

老來萬態是秋思

右絲瓜

懷惟則大師

師吳興人見海鹽圖經非天如也

韓履祥

每憶幽尋到上方
銅爐石鼎漫焚香
天花滿座雨晴雪

空翠撲衣生畫涼
龍化老翁求法語
鶴如童子守禪房
別來江漢頻回首
塵劫茫茫道路長

題管夫人墨竹

宋克

葉如新澣淨涓涓
鳳舞鸞鳴自昔年
要識此枝何處所
鷗波亭上雪溪邊

山居四景

釋惟則

林軒飛翠隔黃塵
瑤草吹香別是春
一卷楞伽消白晝
從教啼鳥喚遊人

坐對蓬萊小朶峰
池開五色玉芙蓉
靜中忽撥瑤琴響

清挹湘簾生晚風

草堂秋似廣寒宮
金粟花開碧玉叢
坐久不知凡骨換
天香清散月明中

茶罷焚香獨坐時
金蓮水滴漏聲遲
夜深欲睡問童子
月上梅花第幾枝

遊白石洞天

釋來復

琪花如雪傍岩開
淙瀑泠泠澗道迴
天上攀龍仙已去
洞中騎鶴客還來
曉看瑤圃雲千頃
夜酌金盤露一杯
但使清心遺物累
何須涉水問蓬萊

題趙彥徵溪山小景圖

釋來復

曾泛苕溪看晚霞紅簾小艇穩於車
水通孤岬橋依竹路入重林崖傍花
風外眠鷗驚客笛雲中吠犬隔仙家
秋波千頃芙蓉老誰覓王孫舊釣槎

題黃鶴山王理問竹石圖

釋來復

黃鶴山中黃鶴仙寫來竹石萬人傳
秋波影動珊瑚月空谷寒生翡翠烟
拂地清陰虛冉冉摩雲高節淨娟娟
身閑便比封君祿千畝何須賦渭川

題趙松雪馬圖

釋來復

振鬣長鳴產月支玉關風急貢來時五花獅子真龍種
賜出黃門不敢騎

題錢舜舉普賢洗象圖

釋來復

纓絡嚴身錦帕蒙渡河誰識截流蹤金池浴罷蓮花水
騎上峨眉第一峰

唐子華山林高士圖

釋來復

茆堂開傍古松間朝聽流泉暮看山洗耳不談浮世事
秋聲一片白雲閑

趙仲穆春山曉思圖

釋來復

樹色蒼涼曉欲迷石門初入鷓鴣啼桃花不隔秦人路
流出紅雲水漲溪

雪上題菁山書舍圖爲周伯陽作

釋宗泐

春日遊茗雪復茲對畫圖青山白雲際綠樹幽人廬衆
芳生礪曲新泉落巖跌不見黃叔度東風忽愁予

題王叔明墨竹

方孝孺

吳下王蒙藝且文吳興文敏之外孫黃塵飄蕩今白髮
典刑遠矣風流存錫山倪瓚稱善畫每觀蒙畫必嘆詫
謂言妙處逼古人世俗相看倍增價昔年夜到南屏山

高堂素壁五月寒壁間舉目見修竹烟雨冥漠蛟龍蟠
呼童秉燭久不寐細看醉墨王蒙字固知蒙也好天趣
畫師豈解知其意分枝綴葉人所知要外枝葉求神奇
天機貴足不貴似此事不可傳諸師麟溪鄭君好奇士
愛畫猶能賞其趣嗚呼世間作者非不多鄭君甚少可
奈何

和白居易上強精舍韻

胡 澐

勘盡南州與北州無如身在覓丹丘長生極樂由心造
何必驅馳汗漫遊

題北山趙子介白雲窩

李齡

弁山之巔有白雲
弁山之麓有仙宅
隱居結廬於其間
常與白雲爲主客
白雲來兮君不招
白雲去兮君不要
來來去去暮與朝
宛若野鶴飛層霄
我來白雲窩裡坐
謾把白雲歌倡和
無心無迹元氣中
安樂行窩無此大
題子昂畫馬歌

虞謙

趙公高法天下聞
寫此一匹真麒麟
高蹄削寒玉長嘶
動青雲老監牽來
不能倚立向天衢
氣如洗雄姿磊落
隘八荒歟然蹴踏
風雷起人間駿骨
今豈無對此神豪

莫能比嗚呼爾雖日有千里程我生但願騎之遊帝
京何用遠歷崑崙與西極坐看天下萬歲千秋歌太平

烏程夜泊

虞謙

蕩槩五湖遊興長路經蒼雪顚瀟湘清波的的魚龍宅
斜日陰陰禾黍鄉杜牧空思人競渡龜蒙長笑鴨留堂
船頭喜有薰風榼細酌看山賦夕陽

贈筆生陸繼翁

姚廣孝

吳興筆生誰第一陸家孫子今無匹湖海知名購者多
惟有能書始能識取材妙選中山毫揮觚圓轉猶霜刀

快如饑蠶食老葉。若巨峽翻秋濤。助賢喜得中書力。
稱心奚問千金直。縱使材良製未工。玉堂蘭蕊空名色。
陸生遺我老兔毛。得之貴比瑛瓊瑤。嗟余好書久成癖。
細寫笑作鶯歌嬌。薦紳先生多刮目。文章迭贈牛腰軸。
今朝忽過索吟篇。筆底生花夢方熟。

筆妙軒

解縉

管城子爾能圖天文。又能貌地理。六經脩纂點畫明羣。
書著述文章美作之之始。稱蒙恬後來毛州刺史傳述。
代喜稱陸文寶如錐如鑿。還如椽善書不擇新與故。一

鋒殺盡中山兔江淹夢斷多才華班超技却終貴富聞
君製作非尋常尖齊圓健良有方當窻特書風雨作臨
池點染煙雲香百體書中盡神妙金鵲虎爪生輝耀懸
針垂露更清新不作拙工使人誚陸君早爲人所稱英
氣凜凜當青春何當携取獻天子圖畫麒麟閣上人

趙子昂梅竹圖

解縉

王孫襟懷絕塵俗迥若質管在空谷又如仙子下羅浮
雪月梅花冰映玉時將翰墨自寫真心手相忘道機熟
流傳後世作者稀冊青彩繪工絕奇寒聲夜讀暗香起

妙畫通神那得知

過武康縣

夏原吉

湖州武康縣僻在群山中
人稀官事少土沃禾稼豐
蠶時戶戶箔鷄曉家家春
鮮菱採秋夏嫩笋庖春冬
麋幽商寡集溪曲舟艱通
兒童拙市語父老高村容
淳淳良可尚擾擾奚能同
愧無邵杜吏重造朱陳風
作詩慰我民鄉俗宜自隆

右詩太師夏忠靖公永樂初爲尚書時治水蘇松往
浙中過武康之作也夫浙天下名藩然稱淳龐近古

者不數邑武康其一也予未獲躬履其境讀是詩知其地僻土沃民朴事簡藹然有邠土風詩曰民之質矣日用飲食此之謂與噫公當時歷江南州邑殆遍獨于此有淳淳可尚之美其得于所感者深矣篇終復追慨邵杜不可見嗟乎俾長民者果若人焉則其俗之加美又何如耶翰林院學士莆田林文謹識

過太湖

夏原吉

滔滔綿亘五百里三萬六千餘頃寬衆瀆西來天設險
三江東注海飛湍影掣霜橘金千樹光浸寒蟾玉一丸

欲問陶朱在何處白鷗無語水瀾漫

贈筆工陸繼翁

曾 際

吳興筆工陸文寶制作不與常人同自然入手造神妙
所以舉世稱良工有時盤礴坐軒中石盤水清如鏡中
空山老兔脫毛骨簡拔精銳披蒙茸平原霜氣在豪末
水面猶覺吹秋風製成進入蓬萊宮紫花彤管飛晴虹
九重清燕發宸翰五色絢爛皆成龍國初以來稱絕藝
光價自此垂無窮惜哉文寶久已死尚有家法傳繼翁
我時得之一揮洒落紙欲挫詞場鋒棗心蘭蕝動光彩

栗尾鷄群爭奇雄
竭來簪此扈仙蹕
欲補造化難爲功
夢中無人授五色
安得錦繡蟠心骨
閑來書空不成字
縱有篆刻慚雕蟲
幸今太平重文學
玉堂金馬多奇逢
莫言盛世少知己
爲我奇謝管城公

雲山舊業爲趙御史題

楊勉

五羊城外山連屋
萬卷牙籤隱翠微
鹿擾不驚行客過
猿啼應識主人歸
岩扉綠暗桄榔樹
澗道青酣薜荔衣
自是宦遊歸未得
烟霞寧肯久相違

書翰林庶吉士楊勉聰松軒

王恭

我醉飛夢瑯琊臺徂徠絕頂天窻開振衣千仞小天下
三峽驚濤空外來前聲微茫墮霞表後聲颯沓連秋鳥
清冷金氣洒鬢莖倒瀉銀河落心竅長平鐵騎何蕭蕭
滯沱解凍波聲遙冰絃五十洞庭雨雲帆一片錢塘潮
空香倏忽浮天鏡靈籟潛隨梵僧定乾坤噫氣本無聞
萬物紛紜自生聽吳興才子鳴陽鳳正值虞廷九成弄
玉堂閑說聽松時也似山人夜來夢

弁山

楊復

湖上山如失墨雲來作陰半天起虛籟千里望甘霖龍

陣梢林急漁簑入浦深無令便消散慶在老農心

林霏軒爲吳宗本賦

楊復

隱君雄構倚龍葱未肯瑯琊讓醉翁春氣養花香滿樹
曉光分竹翠搏空伏龍偃蹇雲無恙庶豹爛斑霧有功
不是書聲與琴響那知人在此山中

柳塘納涼

楊復

掃地携書憇此身柳塘陰蔭靜無塵飛來黃鳥流新韻
躍出青魚長舊鱗風釀夢魂蠅復破日遷茵席蟻應噴
蕭然茗椀排長晝當得無心一道人

王古用筆華軒

李時勉

王郎製筆天下奇，天下學士爭求之。漢朝相國未應識，
秦世將軍爭爾爲。攢鋒輯穎誰不會，工拙從來自殊態。
羲之能用柳公嫌，伯英豈知仲將愛。閑窓夜作無人來，
毫端五色春花開。絕似江淹對清夢，能令李白增雄才。
汝州高士今何在，吳中自昔多鋤耒。入神妙法匪言傳，
精藝猶爲衆人最。生平有志在臨池，心情懶拙誰能知。
賴得王郎贈圓健，興來揮洒風雲隨。昔年曾到華軒下，
淨几明窓絕幽雅。不用仙籥置壁間，世人也自知高價。

爲君作歌歌正長春風忽來吹墨香濡毫一掃紛燿燦
更覺滿室生輝光

題黃鶴山人秋意

李時勉

太湖揚波北風起湖上遙山青若薺高閣憑空何處閑
霜樹林邊秋色裏林深石路盡莓苔天清幽檻凌雲開
山人高興獨蕭散賈客扁舟任往來筆花爛熳照秋水
孤嶼朝光墮窓几忽聞啼鵲三兩聲一望雲濤幾千里
吳興老人百不憂金陵夢想白蘋洲草深黃鶴山前路
坐對新圖憶舊遊

烏鎮九老會詩

無名氏

景迫桑榆盡日閒便邀同志效香山尋常樽酒頻酬勸
適意林泉任生還心遠自忘塵世事年來不鎖利名關
莫言九老非前老養得天和穩一般

水宗道字朝宗澄源鄉人運同時年八十二

漏叔瑜字大美號越南會稽人革除河南道監察御
史寓居烏鎮

孫孟吉字兆禎烏鎮人革除建文閣太常寺博士時
年八十五

唐其諒鳳陽人革除間以文史院出署天長丞寓居
鎮

吳煥字汝文烏鎮人時年九十號怡庵集行于世

趙義字伯高宋安定郡王曾孫洪武中以宋後官儀
鸞司序班時年九十一烏鎮人

趙岐字伯通青鎮人安康郡王宗澤裔孫時年八十
九

壺敏字中行號浮澗父曰殽八歲能文父喜之名曰
敏書畫能繼殽志宣德間授散官每放棹自娛有竹

松集吳楚資糧四卷行世又山水花鳥草虫等畫可
觀 九老宣德時人惟錢郁無考

再遊吳興有懷岳文機太守翁載道大尹

張寧

東風蕩入層崖裏溪上新添半篙水
蘼蕪醞暖綠初齊楊柳眠寒柔未起
粉牆紅杏啓雕甍逢人誤問鷗波亭
道場山下蘇灣路斜陽映醉登西陵
舊遊不忘年華改桃李無情春十載
詩社壺觴不再同醉翁琴鶴今何在
桑梓年年發故丘老懷多病念并州
暮雲望斷河陽樹

舊雨獨上元龍樓十年往事今如此此後重來復何似
惟有溪山對客閒鳥啼花落將幽思

題莘叔耕山水圖

張寧

山出雲兮周垣水洄風兮雙彈樹交維兮帳幕猿鶴語
兮歌繁漱清蒙兮酌飲擷芳實兮珍餐緝青蒲兮盛服
枕白石兮重裯紛彼美兮難卽易予素兮聊安懷良朋
兮不至胡一來兮遄還念蓬累兮終陋感匏繫兮長歎
諒餘衷之耿耿兮終吾遇而盤桓

至德清有作

張寧

野樹荒烟路重來十五年溪山如有待人物故依然漁
火明寒浦菱歌起暮船長橋今夜月桑梓影重圓

題餘不春社詩二首

張寧

五風十雨荷皇天桑滿塲陰稻滿田記取年年寒食節
大家先辦賽神錢

白瘦黃童半醉醒酒闌連袂踏歌行百年盛事先珍重
爲寫新詩托姓名

題趙雍畫馬二首

薛瑄

白面驪駒汗血乾風鬃倚樹玉蹄攢誰人爲制青絲絡

騎出橫門萬象看

玉馬王孫已入周
曾將絕藝寫騁驕
謾誇有子能傳業
不道東陵有故侯

題松雪圖

陳憲章

元時有個趙松雪
松雪于今又屬誰
一幅丹青一瓢酒
廖公來乞老夫詩

題十同年圖二首

閔珪

風光入座漸從南
拖紫紆朱酒半酣
二百人中今有幾
一年春色已過三
青雲素志相知久
白雪高歌強和慙

莫道公餘頗燕飲先憂後樂豈虛談

列卿班裡九同年又見司徒奏凱還
序齒獨慚吾老矣
繪圖齊覺鬢蟠然看花共憶甲申歲
對酒忻逢上巳天
誰記 聖朝人物盛紬思展卷玉堂仙

約社中諸公

閔珪

叩首辭 天捧 勅歸故鄉風景足
幽棲半湖明月雲
雙槩遶屋香泉藥數畦自遣家童招
野鶴不勞候吏報
晨雞耆英有約來何處只在茗溪與
霅溪

爲吳興沈文瑞太守題林良花鳥圖
謝鐸

鶯溪韞絹剡溪藤健筆縱橫勢欲凌花鳥無情催白老
爲誰流落到吳興

濟陽怨

李東陽

宮中快行過巷門巷中皇子心如焚相臣引入舊班裏
我胡爲猶在此殿頭燭影坐者誰殿帥摔頭聽詔詞君
爲臣臣就國父子幽明不相白湖州義兵翻作殃身死
猶貶諫官謫濟陽冤冤不極

虞仲方耕樂堂

丘吉

長鑱削木白柄光翻雲覆烟田不荒甌窶得雨玉無草

汗邪築塍溝有漿新秧插綠針刺水萬頃茫茫青霧起
蜻蜓舞風迷翠蕖鸚鵡和霜啄紅米腰鎌割黃雲水空
築塲登廩收全功黃柑着金釐螯紫香蘭泣露芙蓉紅
瓦盆釀秫松葉綠鷄豚社裡無拘束兒童扶醉玉山頽
一笑青天自捫腹

宜晚樓

丘吉

畫樓侵碧漢好在夕陽天綠野釣簾際青山挂頰邊歸
鴉雲暝樹落鴈稻香田何處叢林近鐘聲出紫烟

呂山花園池亭

丘吉

錦繡堆中着幔亭香蘭芝草雜春情黃鸝庭戶吹笙澁
金鰕池塘洗硯腥綠蟻不空銀鑿落雕闌長護玉娉婷
何人爲倩夸娥力移得東湖小洞庭

蔡琰歸漢圖

丘吉

羶裘鄉裡別胡兒紅滴征袍玉筯垂十八胡笳新制曲
不知歸日與誰吹

採桑曲

丘吉

南村美人雙髻烏携筐採桑呼小姑今年看蠶喜無債
早辦衣裳嫁夫

湖州竹枝詞

丘吉

勸郎須遊下菰山
勸郎莫泛橫塘灣
橫塘灣裏流水急
流去郎心不肯還

佑聖宮謁道士不遇

丘吉

欲向山中躡鳳翎
桃花洞府隔雲扃
西岩流下無人管
借與遊人半日聽

秋日懷顏僧官

丘吉

風引清秋入鴈堂
桐陰垂地鶴聲涼
爲官不給官倉祿
自種山杭待早霜

晚過吳興吊子昂舊宅

蘇平

天涯踪跡逐雲萍
路入苕溪接洞庭
野水望中孤鳥白
海霞晴處亂山青
放歌明月人何在
濯足滄浪酒半醒
欲寫新詩吊松雪
鷗波烟冷獨空亭

送神樂宮楊道士教群宰樂回

張淵

金陵道人登鳳臺
青霓扣額呼天開
鴻龍玉狗鳴右鑰
傳得雲璈入神樂
吳興太守東帛飛
萬里雲霞吹滿衣
騏驎鞭過五湖水
杏壇一日生光輝
指下陰陽勞摸索
韶濩分明歸徵角
回琴點瑟天機張
鳳舞龍飛海波作

大成一曲聲未終神出鬼沒雷電從道人揮手謝皂蓋
翩翩晞髮扶桑東夢鶴江湖漚起滅蟪蛄啼松蟻投穴
試問稽康學養生石髓何時遇王烈

題紅梅

唐 廣

縞衣素質羅浮玉一夜東君換粧束胭脂肌肉映生綃
桃李麓踈海棠俗初疑仙子萼綠華乘鸞下降羊權家
珊瑚如意紫玉節擲米滿地成丹砂又疑阿母承華殿
武皇一笑陪春宴侍兒偷吸紫霞漿醉痕煖透東風面
漁郎錯愕劉郎猜武陵有地非天台碎錦坊中向誰得

定惠院裡何年栽我住江南見來慣坐對花枝發長歎
世途賞鑒苦無多正色真香詫妖幻居然難奪堅貞節
傑立空山獨高潔請看綽約群芳中誰及朱顏傲冰雪

岳郡侯五馬圖

唐 廣

垂楊翠裊風條長細草綠染烟痕香太平駿骨不足用
東原散牧春茫茫寂前一疋青霞色三驥剪出刀痕密
渴鳥昂首勢如飛奚官緊頓黃金勒中間二疋齧且行
雄姿俊發見者驚血吻嘶風虎豹怒鐵蹄蹴霧蛟龍爭
後來二疋竹削耳缺缺行來落花裡疋練光擡白雪毛

一塵不動烏絲尾
渥注異種曾空群
翩翾五朶飛晴雲
何人吮毫得天趣
風流絕勝曹將軍
戟枝高揭凝香閣
神物通靈欲騰躍
明朝陌上駕朱轡
誰道君侯非伯樂
羞見宜男並蒂花

蕉萱仕女

唐 庠

羅襪生香踏軟沙
釵橫玉燕髻鬆鴉
春心正似芭蕉卷
溪月吟寄吳興張夢坡居士

史鑑

君家雙溪上
儂家穆溪頭
相思不相見
恨隨溪水流
西山一何高
東海一何深
惟應天上月
得見兩邊心

錢舜舉清暉堂所寫戲嬰圖爲臨淮顧謙賦

程敏政

海榴花開白日長繡屏十二雲錦張沉沉午漏下初刻
搔頭不整慵來粧一姬南面金縷裳兩姬夾侍相頤頤
頤然圍坐看兒戲斑管雕弧堆象牀三姬髀足如鴈行
玉階隨步鳴雙璫以口撫嬰愛入骨笑語彷彿聞昭陽
一姬下坐收錦襦洗兒自與澆蘭湯娟娟秀若化生子
銀盆水煖芙蓉香一姬轉盼殊未央拭巾在手明吳霜
小鬟兩兩意閒適紈扇不動薰風涼茗溪畫史推錢郎

系思獨步丹青場摩挲舊本豈易得流傳遠自清暉堂
才人不說顧長康鑒賞欲博千金強螽斯麟趾尚可作
爲君擊節歌周王

題趙子昂馬

桑悅

天池定水生漣漪臨流濯出神龍姿圉官欲騎心辟易
夾道行來風倒吹竒骨稜稜堅似鐵王孫畫之心欲折
燕山有路可長嘶何時得染溫禺血

爲王惟顥題米友仁苕溪春曉圖

吳寬

古來畫法凡幾變顧陸以來皆有傳紛紛衆史後何多

丹青點染徒相絢
澹然水墨誰所爲
直以霜毫付星硯
謝家林下有清風
號國馬前還素面
閒情逸韻覺條條
豈似長安水邊見
只今破紙蟬翼如
一疋猶勝好東絹
楚山清曉別有圖
當時曾入宣和殿
惜哉畫譜棄斯人
正坐涪翁黨遭譴
吁嗟此事亦區區
姓名得失何須辨
吳中故物存幾何
近歲人家豪奪徧
王郎乃獨保藏茲
寄我數回看不倦
水遠真從天目山
烟深莫辨烏程縣
恍然載我江南遊
案頭喜有春雲便

題米南宮水墨圖

閔尚書藏

吳寬

雲山烟樹總模糊此是南宮髡突圖自笑頂門無慧眼

臨窗墨蹟澹如無

米自跋云非具頂門上慧眼者不足以識

王叔明村舍圖

吳寬

田間雨過騎秧馬箔底烟生餞火蠶偶看王翁村舍景
翛然午枕到江南

錢舜舉漁翁樂趣圖

楊一清

漁翁樂漁翁樂祇向烟波寄生活長江水明魚潑潑入
手不厭霜刀割前村老嫗新醅醱沽與妻兒恣歡謔世
間萬事耳不聞兒啼嗶嘈猶苦聒兩舟結隣自來往翻

笑屢居真束縛嚴陵羊裘不無心渭濱後車那可奪江
淮以南習畧多五湖三泖皆風波漁翁之樂樂如何擬
樵山中懼豺虎欲耕戶外愁征科黃蘆瑟瑟秋風滿何
處寒江無釣簑漁翁之樂不用一錢買請君試聽滄浪
歌

水晶宮客

楊一清

吳興山水聞南州苕溪雪溪匯復流蜿蜒一瀉二百里
月華波影相沉浮中天合有光明燭下見諸山如削玉
自然蒼翠浮空明何以狀之曰水晶水晶宮名從此始

誰其標榜趙承旨居人紛紛竟莫知對景不樂翻如癡
名韁利網入馳逐却詫夢遊徒余爲汪君此地長爲客
坐挹空寒清興發果然身在廣寒中不似人間波與月
歸來偃蹇向深山縮地有心還未得手持圖畫日把玩
尚覺清冷徹毛髮火雲六月驅不開出門紗帽沾黃埃
金流石爍無處避水晶之宮安在哉東望嵐光溷天目
安得與子相徘徊嗚呼安得與子相徘徊

觀風謠贈侍御邢公

趙寬

七十二峰攬玉簪蒼溪流水碧千尋駱駝橋上駐霜節

山益高寒水益深

湖州

送陳進士恪知宿松

王鏊

春風江上動牙樯
鳬舄南來面若霜
皖水繞城橫宛宛
潛山當縣正蒼蒼
才名小試新磨劒
筆勢曾驚古戰場
他日宿松還愛我
鄰封咫尺是桐鄉

徐贈公輓詩

火齡父

石璫

北殿南舟幾日歸
海風山霧慣霑衣
恩深寸草春呈舞
鴈落孤城夜解圍
萬古林泉飛鶴夢
百年琴瑟掩珠徽
兩函誰識天書貴
時見寒缸入翠微

寄湖州張子靜

沈周

我生恨失清苕遊喜得故人張與丘二公特發山水秀
一雙白碧照湖州丘公丘土旣宿草張公獨鳴文更優
小騁還當汗浹籍長驅何止過曹劉緘辭與我慰潢潦
盤空硬語鵲橫秋兩年閣筆無以報夜光明月嗟空投
先生才高命不足麟鳳未應虞羅求平生出處皆委順
世上無事嬰其憂我思其人阻且脩南北相望風馬牛
何當買田作鄰並談詩酌酒老未休談詩酌酒老未休
先生徵我將誰儔

送第溥試春官

宮人沈氏

烏程人

一承恩入帝畿難將寸草答春暉
朝隨步輦趨丹殿夕侍鑾輿入紫闥
銀燭燒殘空有夢玉釵敲斷竟無歸
年來望汝登雲路同補山龍上衮衣

宮詞二首

宮人沈氏

尚儀引見近
龍床
御筆親題墨色香
幸得唱名居
第一沐恩舞蹈謝君王

翠絲蟠袖紫羅襦
偷把黃金小帶舒
中使傳宣光祿宴
內家學士作新除

遊孺山

王淮

憑高發遠眺天闊野雲閒
左水復右水前山又後山
沙頭烟樹綠石面雨苔斑
坐到遙林暮寒鴉幾點還

子昂畫馬歌

何景明

學士宋王孫畫馬皆龍姿
曾寫飛黃出天廐尚留雲影
落瑤池池頭馬官錦靴袴緩
鞚長牽時拂顧萬里精神
閒緇素百年毛鬣生風霧吁
嗟內乘無人識想見奔騰
過都國翠仗朱軒數往來
金羈玉勒增顏色只今天子
罷南征又聞東巡遼海城
安得四馬忽然生登臺一顧

千金輕天上常隨八駿行

送施聘之御史南還

何景明

鷗翼青冥去高秋隻隼孤許身醉日月垂淚向江湖事
業臺中草生涯水上蒲他年問書札滄海一潛夫

送施聘之侍御

何景明

海甸春風攬轡情燕關驄馬去還鳴繡衣霄漢花間出
錦纜江湖樹裏行近日西臺多諫草少年南國有詩名
別絃更憶風流調愁聽東城二月鶯

相逢行贈劉按察麟

李夢陽

一別六年不相見風塵歛覲劉郎面西關官亭車馬都
使君驄馬朱雀符有處秉鉞映交衢把臂道故情鬱紆
仰視高天白日徂憶昔同殿含香趨萬事反覆難具鋪
秋風颼颼響枯樹蛟龍立闕黃河怒舟子無憂浹旬阻
大夫且試登高賦城南柳徑梁王苑廟門書院松林晚
此時與子臨高臺邊侯綺席金尊開芒碭微雲氣出沒
但見悲風萬里從東來寒空孤鴈叫且哀鶉鷃鼓翅號
其儕飛沙激霧相徘徊願賓與主酩酊歸不見昔時杜
甫與高李三子者氣壓百代今塵埃

錢選畫張果圖歌

李夢陽

張果者中條山人也武后聞其有道術召之果遽死
後復出往來汾晉間玄宗使李嶠齋璽書造請焉果
至會集賢院詔肩輿入禁中問治理神仙之事帝悅
焉欲以玉真公主妻果果不從辭還山果蓋剪紙驢
乘之不則折收巾笥中而錢圖故落于俗家今爲沔
守李得矣

張翁紙驢真有無錢也何意傳其圖印記雖明幅斷裂
李侯完之亦奇絕所恨圖尾錢有詩就蛇添足將無癡

憶昔翁來集賢院入宮詔許肩輿便一日聲名人士動
千年面目吾今見帝貌深沉玉榻雄侍人一異三人同
漢皇信有瑤池降秦始枉慕蓬萊通玄言未竟鈴殿風
寸驢躍出青箱空有僮追捉雙眼紅此驢蹶躓盤當中
李侯一看一絕倒每稱獨苦嗟良工細觀張翁骨格古
徐福五利寧其伍曰嬪真令天下疑過歸轉覺皇心疊
長生殿前牛女辰廣寒仙桂舞鸞身世間但識申師巧
誰解中條放浪人

寄題孫氏茗溪草堂孫是時始有婚事

李夢陽

茗溪之傍何者丘幾時自卜林塘幽已聞寬田足放鶴
曾否餘錢兼買舟狎人鷗鵝元成偶近檻芙蓉故並頭
塵世要留風格在東南聊作醉鄉遊

太白山人仙遊吳越稔矣日者卜居吳興而婚施
氏妻妹予聞之輒詩嘲焉

李夢陽

范子無端出五湖西施並載有耶無詩人只合鶯鶯伴
施家今是大姨夫

見說仙人萼綠華

萼綠華晉昇平
中降羊權家

麻姑亦降蔡經家卽

防獅子河中吼背癢無言仄得爬

過太湖

徐禎卿

浮光滉滉漾瑤空神俊千年說禹功
寒漲平烟吞越嶠
虛濤入夜撼蛟宮
遙汀嘒嘒悲秋鴈
落日微微颺晚風
堪笑吳兒心似石
輕舟衝逆駕仙蓬

送耿晦之守湖州

徐禎卿

遠下吳江向雪川
高秋風物倍澄鮮
鵲蕪蘼翠相亂
錦石游鱗清可憐
郵渚撾頻津吏鼓
漁歌唱近使君船
吳興峴山足勝事
漢水襄陽空昔賢